

Hizkuntz planaz eztabaida Donostian

Joan den astean onartu zen EA, IU eta HBren aldeko botoekin

Donostiako euskararen udal patronatuak hiriburuan hizkuntz normalizazioa bideratzeko plana onartu du berriki. Beatriz Otaegi EAKo zinegotziak aurkeztutako plana IU eta HBren babesari esker atera da aurrera, gobernu batzordeko beste bi kideak —PSE-EE eta EAJ— eta PP abstenitu egin baitziren.

Erredakzioa / Donostia

EUSKAL Normalkuntza Donostian Bideratzeko Plan Orokorra joan den abenduan aztertu zuen Euskararen Udal Patronatuko batzorde errektoreak. Orduko hartan, baina, bozketa atzeratzea erabaki zen alderdi politikoen artean kontsentsu zabalagoa lortze aldera. Halakorik ez ordea eta plana bozka zedin erabaki zuen azkenean Otaegik. Gaur zortzi onartu zen.

Hitzkuntz normalkuntzari buruzko planak Donostian euskararen berreskurapen osoa lortzea du helburu, bai maila pertsonalean, sozialean zein ofizialean. Xede hori lortzeko, Donostian burutzen diren hizkuntza politikak koordinatu eta egituratzea aurrizkustean du planak. Horrezaz gainera, hirritarren hizkuntz eskubideak garantizatu eta euskara lan hizkuntza bihurtzeko erakunde publiko eta pribatuaren egokitzapen mailakaturak proposatzen du.

Helburu horiek bete ahal izateko 45 milioi pezetak (1.800.000 libera inguru) dira beharrezkoak.

Aurrekontuetan, ordea, 15 milioi besterik ez dira biltzen euskararen normalkuntza planerako. Ildo horretan Otaegik adierazi du ezin duela garantizatu helburuak beteko direnik aurrekontu egokirik ez bada.

Ika-mikak alderdi politikoen artean

• Euskararen normalkuntza planaren harira, ika-mika politikoko gogorrean aritu dira azken egunotan Donostiako Udaletxeko alderdiak. Herri Batasunak euskararen hirian euskararen normalkuntza lortzeko borondate eza leporatu die EAJ eta PSE-EEri, bi alderdi horiek hasieratik «plana oztopatzen aritu» direla argudiatuta.

PPk, berriz, Beatriz Otaegiren kontra egin du gogor, jeltzale eta sozialistekin batera «plana sakonean aztertu eta osatzeko denbora gehiago eskatu» arren euskara zinegotziak plana aurrera eramanez duelako. «Euskararen kontrako alderdiztat utzi nahi gaituzte, baina ez da horrela», azaldu zuen herenegun prentsaren aurrean Maria San Gil zinegotzi popularrak. X

60.000 kilo txokolate bidaliko dituzte Bosniara

Zahorrek eman dizkio Sos Balkanes erakundeari

Erredakzioa / Donostia

ZAHOR enpresa onatiarrak 60.000 kilo txokolate eman dizkio Sos Balkanes erakundeari, honek txokolatea Bosniara igorri ditzan. «Sos Balkanes erakundeak inoiz jaso duen donazi handiena da», Gobernuz Kanpoko Erakundeak prentsa ohar baten bidez jakinarazi duenez. Aipaturiko iturriek emandako informazioaren arabera, txokolate horrek 50 milioi pezetako (2 milioi libera inguru) balioa du merkatuan.

Lehen bi kamioiak, bakoitza 20 tona txokolaterekin, astelehenetan eta asteartean aterako dira Donostiatik Gorazderako bidean. Hirugarren kamioia Aste Santuko oporren ostean abiatuko da Mostar eta Meglaj hirietara txokolatea eramatera. Garraioaren kostoari aurre egiteko, 1.400.000 pezetak inguru, Donostiako Uda-

lari dirulaguntza eskatu dio Sos Balkanes taldeak. Era berean herritarrengan jotzea erabaki du erakundeak, «gure baliabide ekonomikoak oso urriak baitira».

40 lagun Gorazdera • Sos Balkanes taldeko 40 lagun bestalde, Gorazdera abiatuko dira gaur gauean. Autobusez egingo dute bidaia. Sos Balkanes taldeko kideak eta laguntzaileak eta Euskal Herrian errefuxiatuta dauden Bosnia eta Herzegovinako kideek osatzen dute expeditzioa.

Gorazdeko Lanbide Heziketako Eskolan kimika laborategia martxan jartzea eta egoitza publikoetan ur beroaren instalakuntza nola dagoen aztertzea du helburu Sos Balkanes erakundeak expeditzio honek. Kimika laborategia martxan jartzeko proiektuak Donostiako Udalaren dirulaguntza du, Sos Balkanes taldeko kideek azaldu dutenez. X



Donostiako udalbatzar bat.

EDURNE KOCH

Telebista MODAN DAGOEN ALDIZKARIA



DOHAINIK

Udaberri honetan proba ezazu **EUSKAL TELEBISTA**ren moda. Izpiritu berri batez jantzia, gaztea, gaur egungoa eta eraberritua. Gustu guztietarako moda, neurririk egina, eta kameren aurrean denboraldiko programaziorik onena erakusten duena.

Aldizkari hau zeure etxean eta dohainik jaso nahi baduzu, bidali kupoia helbide honetara:

EUSKAL TELEBISTA
48200 • Iurreta • Bizkaia
"TELEBISTA Aldizkaria" Erref. Jarriz

☒ **Bai, TELEBISTA aldizkaria etxean jaso nahi dut dohainik.**

Izen-Deiturak

Helbidea

Herria

P.K.

☐ Ameriketako GALEUSCAren bitartez ETB ikus dezaketzen senideak ditudanez, bi ale jaso nahi nituzke.

ETB
EUSKAL
IRRATI
TELEBISTA

TELEBISTAren aurreko zenbakia etxean jaso bazenuen, hau ere bidaliko dizugu. Eskatzea ez da beharrezkoa izango.